

ما رنینگ گو جری نیو ز بلیٹن مو رخہ 3 جولائی 2025

LG BORDER AREAS

لیفٹیننٹ گورنر مون سنہا نے سرحدی علاقوں میں مجموعی ترقی و سستی بھارتیہ سرکار کا وعدہ ناپہن دہرایو تے آپریشن اندھور غے دوران سرحدی علاقوں کا رہائشیان غی ہمت تے حوصلہ غی تعریف کی ہے موصوف ار نیا غ اصرحدی گراں چانگیا مانہہ مہاجن فیگرا برادری غا زاتی ماں دیو ستنہا ور حاضری دین گیا تھا تے اُت موجود افراد نال خطاب وی کیو ایل جی موصوف نے یقین دویو کہ بھارتیہ سرکار داتی ماں دیو ستنہا مانہہ مزہبی سیاحتی نقشہ ور لیان خاطر مناسب اقدام کرے غی۔

SANJY

سالانہ امرناتھ یاترا اج سویرے پہلگام تے بالٹال آلی رستے سخت حفاظتی انتظام مانہہ شروع ہوئی ملک غا بکھ بکھ حصاں تیں تقریباً 7 ہزار عقیدت مند گزشتہ شام پہلگام تے بالٹال بنیادی کیمپ پُجیا ان عقیدت منداں نے اج سویرے امرناتھ گھیا آلی پاسے ہم ہم بولے تے جے بابا برفانی کی جیسا تعہ لاتا اپنو سفر شروع کیو اسے طرح اج سویرے جموں غا بھگوتی نگر بنیادی کیمپ تیں امرناتھ یاتریاں غو دوجو جتھو اج سویرے روانہ ہوو جس مانہہ 5 ہزار 2 سو 46 عقیدت مند شامل ہیں 2 سو 86 گڈیاں ور مشتمل امرناتھ یاتریاں گا اس قافلہ مانہہ 4 ہزار 74 مرد 7 سو 95 خواتین 19 بچہ 24 سادھو 33 سادھوی تے 1 تیجی جنس غو عقیدت مند شامل ہے۔ کل 5 ہزار 246 عقیدت منداں وچوں 1 ہزار 9 سو 93 یاتریاں نے بالٹال آلو رستو اختیار کیو ہے جدکہ 3 ہزار 2 سو 53 یاتریاں نے پہلگام بنیادی کیمپ آلی رستے امرناتھ گھیا مانہہ حاضری وستی اپنو سفر شروع کیو ہے۔

KISHTWAR ENCOUNTER

ضلع کشتواڑ کا جنگلاتی علاقوں مانہہ فوج نے اج سویرے تلاشی کاروائی شروع کی اس دوران دہشت گرداں نانہہ قابو کرن خاطر سخت گھیراؤ کیو گیو ہے واضع رہ کہ گزشتہ شام دہشت گرداں تے حفاظتی دستاں بشکار ٹکراؤ شروع ہو گیو تھو جس دوران پولیس نے فوج تے سی آر پی ایف نال مل غے چھاترو غا کنجل علاقہ مانہہ کارڈان لایو تے تلاشی کاروائی شروع کردتی ذریعہاں نے دسیو ہے کہ حفاظتی دستاں غی طرفوں شروع کی گئی تلاشی کاروائی غیدوران دہشت گرداں نے فوج ور گولی باری شروع کردتی جھپڑی رات دیر توڑی جاری رہی اج سویرے تیں شروع ہوئی تلاشی کاروائی مانہہ گولی باری غو کوئے نوو معاملو سامنے نہیں آیا لیکن دہشت گرداں غی تلاش جاری ہے۔

FISHERIES

مال چوکھر ڈیرے تے مجھلی پالن محکمہ گا مرکزی وزیر راجیو رنجن سنگھ نے کشمیر غا 2 روزہ دورہ غے دوران گزشتہ شام کہیو کہ مرکزی سرکار جموں کشمیر غے اندر دودھ تے مجھلی پالن شعبہہ غیرتی خاطر ہر ممکن مدد فراہم کرے غی وزیر موصوف سکاسٹ یونیورسٹی کشمیر مانہہ منعقد ایک پروگرام غے دوران بول رہیا تھا جموں کشمیر غے اندر ذریعی ترقی متعلق گل بات کرتا مانہہ وزیر موصوف نے کہیو کہ اُن غی وزارت جموں کشمیر گا تمام ضلعان غے اندر دودھ فروخت کرن آلا مرکز قائم کرن مانہہ یو ٹی سرکار غی پوری معاونت کرے غی۔

DY CM MINING

نائب وزیر اعلیٰ سریندر چوہدری نے گزشتہ شام سرکار غا وعدہاں غ و ذکر کرتا مانہہ کہیو کہ جموں کشمیر غیا ندر غیر قانونی کان کنی نانہہ مکمل بند کی وجہ غو موصوف سیول سپرکریٹ سرینگر مانہہ ارضیات تے کان کنی محکمہ غی ایک اعلیٰ سطحی جائزہ میٹنگ غے دوران بول رہیا تھا موصوف نے علاقہ غا قدرتی معدنیاتی ذریعہاں غا تحفظ خاطر سخت اقدامات کرن تے غیر قانونی کماں مانہہ ملوث افراد غے خلاف سخت قانونی کاروائی کرنور زور پایو نائب وزیر اعلیٰ نے متعلقہ افسران نانہہ ہدایت جاری کی کے وے غیر قانونی کان کنی غا سلسلہ مانہہ سفر برداشت لائحہ عمل

اختیار کریں تے اس طرہ گا کام ور مکمل پابندی عائد کریں موصوف نے مزید کہیو کہ غیر قانونی کان کنی غا تناظر مانہہ کسے قسم غی ٹل برداشت نہیں کی جے غی تے اگر غفلت برتی گئی تے سخت قانونی کاروائی غو سامنو کرنو پے غو۔

RANA DAR IRRIGATION

جل شکتی غا ویزر جاوید احمد رانا ت زرعی پیداوار محکمہ غا وزیر جاوید احمد ڈار نے گزشتہ روز سول سیکرٹریٹ سرینگر مانہہ ایک جائزہ میٹنگ غے دوران جموں کشمیر غے اندر سنجائی غا منظر نامہ غو جائزو لیو ذراعت شعبہ نال جڑیا افراد نانہہ سنجائی غا تناظر مانہہ آرہی مشکلات غا حل وستے یاہ میٹنگ منعقد کی گئی اس دوران جل شکتی غا وزیر جاوید رانا نے ہدایت جاری کی کہ سنجائی متعلق تمام معاملات نانہہ موثر طریقہ نال حل کیو جے تے کساناں غی شکایتاں غو فوری ازالو کیو جے۔

ESTIMATES COMM PWD

تخمینہ متعلق ہاوس کمیٹی نے گزشتہ روز اسمبلی ہال سرینگر مانہہ ایک میٹنگ منعقد کی تے پی ڈبلیو ڈی محکمہ گا کام کاج تے پیسہ گا استعمال گو جائزو لی وگیو اس میٹنگ غی سدارت چئیر پرسن مہشمیم فردوس نے کی تے اسمبلی ممبر عبدالمجید بٹ لارمی غلام محی الدین میر پون کمار گپتا پروفیسر گارورام بھگت ڈاکٹر شفیع احمد وانی چندر پرکاش گنگا تے پیارے لال شرما نے میٹنگ مانہہ شرکت کی اس دوران چئیر پرسن موصوف نے محکمہ گا کام کاج تے ترقیاتی پروجیکٹانور نیڑوین نظر رکھنغی ضرورت ور زور پایو تانجے محکمہ وستے مختص روپیاں غو صیح استعمال ہو سکے کمیٹی نے قانون ساز اسمبلی گا اراکین غا حلقہ ترقیاتی فنڈ گا استعمال نانہہ مزید آسان بنان ور وی تبادلہ خیال کیو۔

DC POONCH

ڈپٹی کمشنر پونچھ وکاس گنڈل نے گزشتہ روز کھیڈ میدان پونچھ مانہہ منعقد ہوئی تقریب غے دوران کھیلو انڈیا مرکزاس وستے کھیڈ کیٹ تقسیم کی یوہ قدم علاقہ غیا ندر کھیڈ نانہہ فروغ دین تے کھلاڑیاں غی حوصلہ افزائی کاظر لی وگیو جموں کشمیر سپورٹس کونسل غی طرفوں منعقد اس پروگرام غے دوران عوام نال خطاب کرتا مانہہ ڈی سی موصوف نے کہیو کہ نوجوانان نانہہ کھیڈ غے ذریعے نہ صرف اپنی شخصیت نکھارنی چاہیے بلکہ اچھی صحت برقرار رکھ غے اپنا ملک گی بکھ بکھ سطح ور نمائندگی کرنی چاہیے۔
